

公門果報錄

公門果報錄

重刻公門果報錄序

自居易俟命之說不能以豁常人之蔽而談果報者興焉然作善降祥不善降殃見於訓惠迪吉從逆凶見於謨果報之說雖近於計功謀利亦非聖賢所不道也榕江陳文恭公嘗輯在官法戒錄而玉陽宋氏又撮其指要四十餘條爲公門果報錄觀其詞義剴切勸戒昭然雖薰心利欲習慣奸弊者讀之亦如清夜聞鐘當頭棒喝矣本署吏丞持舊帙求爲刊行以廣勸導余深爲嘉許是固嚮於爲善之機也乃正告

公門果報錄序

之曰夫官之與吏雖有尊卑貴賤之殊而其所治之案牘則一而已自古未有高官不法而小官能廉者亦未有上官衙門之吏胥需索舞文而能使州縣衙門之吏胥奉公守法者汝等知州縣之書差藉詞訟以婪贓因刑禁而威嚇良懦受欺冤苦莫訴惡積事敗陰譴難逃亦知上官衙門之書吏擱厯稽延動多需索使彼爲州縣者不能不取小民之脂膏以填奸吏之欲壑豈得獨無殃咎乎如此錄所載廣東藩司吏及三司副使惡胥皆勸戒之已事也雖然民之乘

彝好是懿德凡受中於天者皆有好善惡惡之誠激發於俄頃無論何衙門使以在官之人行在官之德日積月累善氣充而福祥至鼎鼎富貴施及子孫為善之報豈有爽焉余為吏等俟之爰書顛末以塞其請光緒十八年七月頭品頂戴江蘇布政使鄧華熙

公門果報錄

序

二

原序

作善降祥不善降殃前志言之備矣其中報應之顯然而神速者惟居官為最蓋權勢在手喜怒由心作善則千萬人蒙其福作惡則千萬人罹其禍禍福之及於人者遠故殃祥之報其身者更大至於藉官長之權勢假官長之喜怒其力亦足以濟人救人陷人害人者則公門中胥吏也夫為儒不成而為吏為農工不願而為胥類多聰明智巧之人其才足以為善其勢易於為惡誠能隨處方便則公門固天堂之徑路也苟或藉勢行權則公門實地獄之門戶也可不畏哉

公門果報錄

序

三

江藩榕門陳公有在官法戒一書援引典博考據詳明計三百八條懇懇為胥吏苦口幾同宦海慈航但卷帙浩繁恐胥吏淺學者未能徧覽同盡解也因擇其中尤切於因果報應者四十餘條名曰公門果報錄義惟取乎簡明詞無尚乎文飾使觀者一寓目而報應昭然一問心而毛骨悚然居常則知某人當法某人當戒臨時則思某事可以利人某事終必害己

翻然勃然易其舞文弄墨作奸犯科之陋習於以濟人而利物則公門正修行之地較之深山兀坐閉關焚修徒作自了漢者當更高一等矣其造福於地方者甯有窮哉其積德於子孫者又甯有窮哉

玉陽宋楚望題

公門果報錄

序

四

總論計六條

顏光衷曰古云公門中好修行何也夫公門常較時時刑罰其間貧而負累冤而獲罪愚而被欺弱而受制呼天控地無可告訴惟公門人下接民隱上通官情艱苦孤危之時扶持一分勝他人方便十分寬假一次勝他人方便十次若能釋貧解冤教愚扶弱無乘危索騙無因賄酷打無知情故枉無舞文亂法則一日間可行十數善事積至三年有數萬善事人當困厄誰不知感神明三尺豈無保佑自然吉慶日至子孫昌隆如其不然怨毒之財得亦非福也

公門果報錄

一

熊勉菴公門不費錢功德例曰隨時方便樂得勤人賣兒鬻女錢拋散人家兒女難保自己兒女況此等錢乎錢雖平常非理錢尚且享用不久何好賺且請想想不唆人興訟一紙入官十家不安甚至兩敗俱傷學山自作誰能替從不無中生有架空噴霧其橫不指撥官長生事假公濟私一味圖利不顧害禍不捺案總為需索不遂之故豈知多捺一日即矣小民之膏血幾何必令其傾家蕩產乎你雖小施神通而人已大受毒害天道昭昭決不放你

公門果報錄

二

不妄引重律。性命所關。牌票照詳字眼不改。輕爲重。此大抵以索賄不得。憤激不嚇。詐鄉愚。鄉民由神明。卻不。生枝節。提人。一夫到案。合家不。許其抵賴。不。盜賊報警家。如此作爲者。其人必不得。不。雜人。逞著一張快嘴。自鳴得意。不乘危索騙。此事最。大積德亦最大。若要有何趣味。不。人。體而。餘地。自留。不。受買囑。妄加鎖銅。恐防惹出大事。入罪不。下死煞字語。筆下超生。杖笞不聚一處。不杖人。腿灣。隨手方便。皂不逼病人。婦女到官。性命。造孽。班樂得做做。

不壞人功名性命。將心比心。不離人骨肉。最傷小。不牽連鄰右。可憐鄉愚。無辜。你要體恤。獄囚。陰功。已赦罪犯。勿復提起。幸洩大非。仁厚。已獨錢糧。勿再混徵。是謂欺官。水旱請官早報。設法賑濟。全活多人。子孫所以。批迴請速發。解到請速審。總祈早事。多發達也。

屬曖昧。或關門。苟稍可緩止。切勿送命。此條最。若冒昧行事。往往誤人性命。造孽最大。受報極速。而。即多屬實。向且含羞自盡。所關那一人。不顧體。況事屬虛誣。被人污職者乎。多送正風。俗興利除。害告示。淹溺兒女。花鼓淫戲。及戲班中。搬演小戲。最爲風俗人心大害。第一須嚴禁。若能嚴

公門果報錄

三

行究辦。陰功極大。子孫必科甲連綿。他如。書小。說。春。冊。淫。畫。通。醜。搶。婦。開。賭。窩。匪。宰。殺。牛。犬。捕。蛙。建。橋。梁。修。街。渠。總。屬。有。利。地。方。積。德。不。嫌。多。也。

不私拷賊匪。不妄擊窩家。牌票不濫填姓名。株累良民富戶。不苛虐獄囚。苦惱子人。能寬他幾分。便是十分陰德。

失節事無論貴賤。必爲辨解。全大人名節。陰功極大。爲不甚關係。而坐。節孝事。不論低微。必爲表揚。不。視其被污名也。

輕傳劣跡惡款。表揚節孝。功德無量。故凡遇苦節。辦。或。請。申。詳。上。憲。咨。部。請。旌。或。爲。建。坊。或。給。匾。額。總。期。表。揚。幽。潛。不。使。埋。沒。使。地。方。有。所。觀。感。此。等。處。代。用。錢。文。比。尋。常。好。事。不。因。無。錢。狠。刑。行。吊。加。十。倍。有。心。者。不。可。錯。過。

唐翼修曰。凡爲公門胥役者。其處心積慮。大約與屠戶相似。初未嘗不具慈悲心。積久便成殺機。習慣若自然矣。故初入衙門。尙知顧忌。到多年便成狡猾。良心漸滅殆盡。又有自家尙是好人。大眾交誼。竟墮惡道者。蓋平日狐假虎威。自謂豪傑作用。欣欣自得。不知積孽多端。不惟自身受害。且禍及後代。試觀近日害人過多。索詐恐嚇。爲鄉邑所側目。一旦身罹法網。懊悔無及。雖日誦經禮懺。亦無救。

於萬一矣。古云：明有王法，幽有鬼神，思之。孫可菴曰：衙門中人，見利不顧生死，一得寵則不計利害。官若假以詞色，便到處騙人。其門如市，假勢橫行，四民畏之如虎。凡有身家者，俱禮爲上賓。大家宦族，亦畏若蛇蝎。而若輩揚揚自得，目中且不知有天日。又烏知有法紀？士民切齒，人言鼎沸。一朝罹法，身家盡粉矣。

陳公榕門曰：鄉里愚民初入官衙，心膽墮地，舉目無親。此時出一言以相寬慰，不啻春風。旭日所全實

公門果報錄

四

多此吏胥等不費之惠也。無如公門習氣，慣爲恐嚇之態。在己未必有益，而於人大有所損。且至釀成人命，可不慎哉。

又曰：託業在是，必謂一錢不取，誠有所難。但取之有道，須是於理無害於心可安者。方不損陰德。若一味貪婪，恃威嚇詐，但知肥己身家，全不顧人死活。使罪惡如山，禍延妻子，孰得孰失？吾願執役公門者，熟思而審處之也。

法錄 計二十條

王藻潼川人，爲獄吏，每日持金歸。妻疑之，因遣婢餽豬蹄十臠及歸，誑之云：送二十臠，藻怒，酷掠其婢。婢誣服，妻告之，故因曰：君日持錢歸，我意必鬻獄而得。姑以婢事試之，刑威之下，何事不承？願自今切勿以一錢來不義之物。死後必招罪咎。藻矧然大悟，因題壁曰：枷鎖追求只爲金，轉增冤債幾何深。從今不願爲刀筆，放下歸來遊竹林。卽乘家學道，後賜號保合真人。

明上元縣皂頭李中美，存心仁恕，好行方便。嘗曰：公

公門果報錄

五

門好修行，與刑房朱某相好。勸朱曰：本官親信你，若不行方便，是錯過了好機會。朱歎曰：我尙知文義，似汝一字不識，竟能道此，我實心服。二人遂聯爲子女戚，相勉行善。後朱之子年二十，成進士，李之孫年十八，登鄉薦。一行方便，便換得子孫累世科甲，你想他何等便宜。無奈世人只知佔人的便宜，此等便宜事，卻不肯做，真癡極也。

黃鏞爲試官，閱某卷，黜落。夢一老嫗言：其夫曾爲刑吏，嘗活二罪囚，有此陰功，故上帝赦吾孫當預鄉薦。今其卷已擱在案上矣。早起，卷果在案。甲後二

場看論策果佳。因取充數。及揭曉視之。亦甚平也。科甲原只要陰德。不關文字。

姚時可為獄吏。有張邦昌之族弟某。坐謀逆黨被逮。與家屬同入獄中。張囑姚曰。吾自必死。有藏金在某室中。君往取之。煩為密買毒藥。俟命下即與家屬共引決。以後事託君。姚慰之曰。朝廷仁政。尚寬當為公探消息。果不可免。徐為此計未晚。後張竟以不與謀獲免。深感姚全活之恩。以百金餽之。拒不受。是時姚未有子。後連生八子。皆有才名。廷

公門果報錄

六

竟一讓相繼登第。廷昂一夔。悉為名士。此不乘危索取之善也。

梵公宋時為邑皂隸。邑令酷刑。杖人見血流方止。公用蔥貯血。匿杖中。杖易見血。受杖者多得全活。一日令見公行不履地。詢知其陰德。亦為感化。梵公置皂隸不為。修煉山中。仙去。不遺存心仁厚。便為神仙。神仙也。不是難事。世人不肯做耳。

何比干字少卿。為汝陰縣獄吏。每稟請邑令。從重減輕。從輕減免。所活數百人。後為丹陽縣尉。多方矜

恤。獄無冤囚。人稱為何父。後家居時。有老嫗來避雨於懷中。出一菜。凡九百餘葉。謂比干曰。君家世有陰德。又治獄平恕。子孫佩印綬者如此數。言畢。老嫗忽不見。後子孫累世科甲。爵祿顯榮。一如老嫗所言。真便宜事。能無眼熱。無奈世人見他人得錢便眼熱。見他人好報反不知眼熱。何哉。

公門果報錄

七

張慶汴梁人。為省司獄。矜慎自持。每日親掃獄舍。暑月尤勤。每戒其屬曰。人至犯法。甚屬可矜。況我輩以司獄為職。若不加矜恤。則罪人何所倚賴。飲食湯藥。臥具。必加精潔。囚有受枉者。為之緩詞請釋。

遇重囚就戮。為之茹齋一月。一日妻病已歿。復甦。慶年八十二。無疾而終。六子皆顯。司獄之吏。積德難。只須照樣施行。不是難事。只要費點心力耳。

嘉善縣支立之父。為刑房。有囚無辜陷重辟。支哀之。欲求其生。囚語妻曰。支公美意。明日延至家。汝以身事之。彼或有意。則我可生也。妻泣而從命。及至家。妻自出勸酒。具告夫意。支堅卻之。終為盡力保全。囚出獄。夫妻登門叩謝曰。公如此厚德。尚未有子。吾有弱女。願為箕帚妾。此則禮之可通者。支為

備禮聘之。生立弱冠中魁。官至翰林。立生高生祿。皆貢爲博學。祿生大倫登第。卻色最是陰德。忍一

翰林兒子。何等適意。

徐熙爲成都吏。運使李之繩專掩骼埋骨。卽收埋積

至千萬。熙代效勤勞。歷久不倦。有金華街王生死

而復甦。述見冥官曰。上帝嘉李之繩德。葬枯骨。注

籍顯宦。徐熙盡力著勞。與一子及第。後李公三任

御史中丞。熙子果及第。

豫章大荒。新建縣一鄉民甚寤。止存一水桶賣銀三

公門果報錄

八

分。乃以二分買米。一分買砒。將與妻子共一飽而

死。炊方熟。會縣差至門索丁錢。饑求一飯。辭以無

入廚見飯。責其欺。民搖手曰。此非汝所食。因涕泣

告以故。差悉傾其飯而埋之曰。爾何遽至此。吾家

尙有五斗穀。可取來以延數日。民感其意。隨之得

穀以歸。出之。則有五十金在焉。民駭曰。此必官銀

誤置其中。他救我死。我安忍害之。持金送還。差曰。

吾亦貧人。安得此銀。殆天以賜汝。彼此固讓。乃各

分其半。兩家由此至富。此縣差真君子也。惟忘其姓名。

楊旬爲夔州府吏。子椿年二十四。大魁天下。太守命

旬解職。旬曰。念旬爲書吏四十年。家無餘資。惟留

下三箇慳囊。乞取來開看。第一箇有二十九文。大

錢。第二箇有四千餘文。中錢。第三箇有萬餘小錢。

太守問故。曰。每論獄囚。遇有入輕爲重者。從死罪

請改流罪。卽投一大錢。從流罪請改杖罪。卽投一

中樣錢。從杖罪改放。便投一小錢。今日旬男中天

下都魁。皆此慳囊所積也。安敢舍公門而自放逸

哉。這个慳囊。便要拾好。無奈世人所守的慳囊。大異乎是。

公門果報錄

九

餘杭蔣嘉家貧爲郡吏。藉以養親。事祖母。繼母。至孝

人以冤苦投。無不解救。成化二年。一夕暴卒。至廣

庭中。見主者呼曰。汝壽當終。念汝事親純孝。篤性

懇至。況復公門積德。許回生增壽三紀。夫公門案

牘。奉公守法。勿以賂賄未得。置而不行。勿舞文弄

法。乘威嚇詐。加意苛求。勿圖報。勿辭難。勿始勤終

怠。耐心委曲。成就而後止。若力量不能。亦要勤勤

懇懇。使寸心無愧。蓋拯彼患難。全彼身命。救一命

活一家。不特一人所關。實其祖宗父母相延之興

廢也。況鍾九載黃堂。政治丕顯。徐晞財色不苟。濟困扶危。歷官二品。楊旬減囚積德。子奪大魁。皆案牘中所為。得此顯榮。特報。則而效之。福祿不爽。嘉既。以此言錄於廳事。其後濟人益力。由吏曹辦事得陶文襄之舉。歷官憲副。子儼登第。傳鄉舉。僖名儒。嘉壽自百歲。為子能盡孝。已是第一等人。孔子而不知積德者。積德正所以為孝也。公門積善耶。然天下未有孝

徐晞江陰人在縣三考皆兵房有戍絕勾丁而誤及者其人祈脫貧無可餽具酒食令妻勸觴而出避

公門果報錄

十

之妻有麗色。具道夫意。晞絕裾而走。徹夜具文移脫免。由佐貳起家。歷官兵部郎中。同官一主事。每向胥曹。詆罵意在晞。晞不為動。後主事歿。晞為棺殮。送歸。後以功陞兵部尚書。子納。孫世英。皆為顯官。此與支立父事出一轍。皆以御色而得速報。萬惡淫為首。則御色為第一善事也。其得善報也。商輅之父為嚴州府吏。平生周急救危。容過憫孤。積善好施。人多稱其隱德。在吏舍嘗勸羣吏奉公守法。不可舞文害人。諸縣囚解府者。必委曲申救。多

所全活。一夕太守遙見吏舍有光。次日問羣吏家。夜來有何事。對曰。商某生一子。太守異之。語其父曰。子必貴。命抱來看。看訖。命張黃羅傘送歸。即輅也。後三元及第。府吏而得三元之子。可見公門中機金。積德比他人格外加倍。切勿錯過。

顧芳宏治初年為太倉吏典。凡送迎官府。停泊於城外。賣餅江溶家。後溶為盜所誣。下獄。芳令盜辨其冤。遂得釋。溶以貧不能報。願將十七歲女送芳為妾。芳固卻之。不可得。暫留月餘。使妻具禮送還之。

公門果報錄

十一

後江溶益窘。鬻女於商。又數年。芳考滿赴京。撥韓侍郎門下辦事。一日侍郎他往。芳偶坐堂檻下。聞夫人出。趨避。夫人猶識其貌。使婢問曰。君得非太倉顧提控乎。明制一品衙門。顧曰。然。夫人跪而拜曰。是吾恩主也。吾受君子賜。復賴某商以女相畜。嫁充相公側室。壽終正室。今天幸相逢。當為相公言之。侍郎歸。乃備陳首末。侍郎曰。仁人也。上其事於朝。孝宗稱歎。命查何部缺官。遂授禮部主事。生三子。皆中高第。享年百歲。不願其為處何等。揆宜其享福壽也。

楊自懲鄞縣人初爲縣吏存心仁厚令好苛刻自懲
常爲寬解不使含冤日久令大信任家甚貧囚人
無食者撤已食濟之令嘗怒咎一人自懲從旁請
曰如得其情哀矜勿喜喜且不可何況於怒令爲
霽顏生子守陳吏部侍郎守陞吏部尙書孫茂元
刑部侍郎茂仁四川按察俱以名節顯至今科第
不絕世代科第
能不羨慕

黃巖王思敏爲縣刑房有被盜誣者王心知其枉力
言於令獲釋後以三考爲秦州判官歲大水巡方

公門果報錄

三

御史至敏具饑民冊求賑御史弗許敏抱冊投水
御史急令人救之允所請後丁憂歸卜葬地見一
處形勢甚美忽遇前被誣者曰此非王恩人乎何
以此此告以謀地故卽指其處曰此我家山也吾
荷再生之恩豈惜此一塊土乎遂遷葬焉實心辨
不得巧報者天道
好還固自不爽也孫濟中進士官參政曾孫廷瞻
官刑部尙書廷棟官翰林至今科第聯綿賑濟飢
荒更是
大好積
德機會
萬應戊戌狀元趙秉忠之父作邑吏有應夔指揮繫

冤獄趙力出之指揮感無以報請以女爲妾趙搖
手曰此名家女使不得指揮強之又曰使不得使
不得後其子鄉薦赴會試途中有拊其輿者曰使
不得的中狀元是科果及第歸語其父父太息曰
此二十年前事吾未嘗告人何神明之告爾也名
女使不得六箇字便換一個狀元真便
宜矣要想起狀元遇女色處切不可自誤

潘奎爲府吏慈心濟人太守嚴厲府吏無敢啟口有
土豪強暴誣陷多人賄諸役煨煉人莫敢辨一日
審錄退堂奎伏地爲諸囚白冤並數土豪不法事

公門果報錄

三

甚詳守覆訊得實悉放諸囚捕豪下獄後奎於吏
舍生子守夢諸神騎乘鼓吹送一兒至吏舍醒而
念曰有德者必昌後是潘奎家也潘果生子守月
給粟周之其子卽尙書恩也
廣東藩司書吏張毀以公過爲藩司陳選所革後陳
與太監韋眷訐奏眷誣陳貪婪詔御史李行等訊
之眷意毀必恨選引以爲證毀堅執不從拷掠終
無異詞選病死毀爲訟冤曰臣本小吏詿誤觸法
被選革黜實臣自取韋眷意臣必恨選厚賂噉臣

臣雖胥役敢昧素心。眷知臣不可誘。嗾行等逮臣。審訊。拷掠彌月。臣忍死籲天。終無異口。行等乃依傍眷語。文致其罪。選故剛直。不堪屈辱。憤懣櫻病。行等幸其殞身。阻其醫療。畢命之日。密走報眷。小人佞毒。一至如此。臣擯黜罪人。秉耒田野。百無所圖。誠痛忠良含屈。而為聖朝累也。書雖不報。天下高其義。凡胥吏於官府去任後。不免視若路人。其偶被責革者。必摘其短而飛誣之。小人隨時炎涼之態。豈復有是非公論耶。附錄此條。為書吏之忘

公門果報錄

十四

德念怨者。勸志德念怨。天所最怒。人壽幾何。何苦上犯天怒。

戒錄 計二十四條

隋大業中。有京兆獄卒。酷暴諸囚。囚不堪其苦。而獄卒以為戲樂。後生一子。頤下肩。上有若肉枷。無頸。數歲不能行而死。眼前現報。最可怕。到那時。遮掩不得。

劉自然。秦州人。天祐中為吏。管義軍案。因連帥李繼宗。點鄉兵。捍蜀城。紀縣百姓黃知感。名在籍中。自然聞其妻有美髮。欲之。誘知感曰。能致妻髮。即免是行。知感歸。語其妻。妻曰。我以弱質。託君。髮可再

生。人死永訣矣。君若南征不返。我有美髮。何為言。訖。剪之。知感痛慙。送於自然。後竟不免戍役。尋歿於陣。是歲。自然亦死。後黃家驢產一駒。在脇下有字云。劉自然。邑人傳之。達於郡守。郡守召自然。妻子識認。其子曰。某父平生好飲酒食肉。若能飽啖。即父也。驢遂飲酒數升。啖肉數片。食畢。奮迅長鳴。淚下數行。劉子請以百千贖之。黃妻不納。日加鞭撻。後經喪亂。不知所終。劉子亦慚恨而死。若輩味為驢者不少。特不若此之顯明耳。

公門果報錄

十五

唐有一吏。貸軍吏吳宗嗣錢二十萬。不還逾年。宗嗣忽見此吏。白衣來。潛入廡中。俄而馬生白駒。問其家。吏正以是日死也。駒長賣之。適合所欠之數。不還向要如此。償報。況勒索非理之錢乎。

元符中。宜春尉遣弓手三人。買雞豚於村墅。閱四日不歸。三人妻訴於郡守。守責尉。尉詭曰。有盜已得其窟穴。遣三人往。伺久而不反。是殆斃於賊乎。願自往捕。久之無以復命。適見四鄉民耕於野。從吏持二萬錢買之。使詐為盜。曰。他日案成。不過受

責數十耳。四人許諾。遂縛詣縣。送府。黃司理治之。獄成。將擇日赴市。黃念四人無凶狀。詰得其實。欲出之。郡守不允。強黃書押。黃既詰得其實。當以去後血病而死也。四人遂死。越二日。有皂衣持票押縣吏二人。追院中二吏。同時四吏暴死。又數日。攝令死。尉亦死。郡守旋中風死。一日黃見四囚拜曰。某等枉死。上帝並欲逮公。某等感公意。哀求四十九日。始蒙許。遲三年。及期。黃果見四人復至。遂洞泄血痢而死。良民可容。休枉書否。

公門果報錄

六

陳貫爲三司副使。惡一胥狡猾。欲逐之。胥奉事彌謹。歲餘。並無壞事。貫亦竟善待之。貫偶宴客。付錢令辦。胥明日攜十歲女。賣於東華門。揚言曰。陳副使請客所需。十未付一。今不得已。賣此女也。因密結邏者。使聞於內。貫以此罷官。後胥惡死滅門。狡猾作爲。必自以爲好計。豈知自家必然受害乎。潤州一監征官。與胥共盜官錢。而藏之胥家。約以官滿日。分半以歸。胥僞許之。既去官。不與一錢。監征官不敢索。悒悒渡揚子江。竟死於揚州。胥得全賄。

遂富告歸。買田宅。是年妻孕。如見監征。褰帷而入。卽生子。甚慧。長喜讀書。二十歲登第。胥大喜。盡鬻其產。挈家至京師。其子復調官南下。漸匱乏。至中途。子病。罄所餘召醫。及維揚而死。胥無所歸。旅寓貧困。無聊亦死。

廬陵法曹吏。嘗劾一僧致死。具獄上州。時妻女在家。忽見二青衣卒。手執文書。自廚中出。謂其妻曰。語爾夫。毋枉殺僧。遂出門去。妻女皆驚。怪流汗。視其門。扃閉如故。吏歸。妻女具言之。吏甚恐。明日將竊

公門果報錄

七

其案。已無及矣。竟殺僧。後旬日。吏遇僧於途。遂死。陷人於死。要想到索命時。何。黃鑑蘇州人。其父善舞文。起滅詞訟。蕩人家產。晚生鑑。登正統壬戌進士。以青年美才。獲寵眷。爲近侍。蘇人咸曰。父事刀筆。而子若此。有何天理耶。景泰間。寵渥益甚。後駕自北還。禁錮南宮。及復位。以舊恩待鑑。陞大理少卿。朝夕召見。一日上御內閣。露一本角。微風颺之。命取以觀。乃鑑所進禁錮疏也。上怒曰。不意鑑之奸。乃至此。急召鑑至。擲本視之。

鑑連呼萬死。伏誅。遂夷族。然則世之為惡而竟得貴顯者。未可欣幸也。

戴月湖南靖人。為書手。與同輩假印勾攝。害人甚多。

後事發。其同輩俱充軍。月湖狡辨。止問徒。後死於

驛中。一子行衢。少年能文。後忽狂醉。竊盜。或告之

官。官初猶未信。鄰里共證之。乃死於獄。無嗣。婦與

盜通。流落街市。為乞。眾共指為孽報云。

施沐廬州人。為營田吏。恃勢奪民田數十頃。其田主

退為耕夫。不能自理。數年沐死。其田主家生一牛。

腹有白毛方數寸。既長漸斑駁。不逾年生。施沐二

公門果報錄

式

字點畫無缺。道士邵修嘿親見之。恃勢欺民。一時

牛時。候。豈不苦惱。

秀州書吏陸某。有囚當杖。受勢家厚賄。因誘官坐重

法死。囚魂常隨陸不去。每陰雨。囚鬼輒立於前。陸

曰。汝且去。我來。不數月。嘔血死。

米信夫浙西人。為縣吏。柔狡便捷。里有大家兄第二

人。以父死紛爭。因唆其弟訟兄。結合官吏。破其家

而有之。兄弟抑鬱而死。米由是富者二十餘年。至

元戊寅遭謀逆案。牽連到邑。見吏儼如其弟。抑令

承招。忿而訟吏於府。見府吏儼如其兄。抑令承招。

遂與其妻及子女八人。俱死於獄。奇哉怪哉。為惡之報。竟如是哉。

永福縣吏薛某。專攻嚇詐。虛捏狀詞。以此致富。一日

延道士鄭法林建醮。鄭伏而起曰。上帝批家付火

司。人付水司。已而家室灰燼。薛渡江溺死。子以盜

敗。女為娼。特刀筆而架虛。人者可以鑑矣。

池州邵道為郡皂隸。索取財物。滿意則喜。不滿意則

拳毆之。行杖則極力施刑。斃杖下者不一。後得異

病。手足窘束。遍體腫決。如板痕。糜爛痛不可言。因

公門果報錄

九

自呼曰。善惡終有報。橋南看邵道。卒至皮肉俱盡。

僅餘骨存。而後氣絕。

青浦有一貧民。賣得布銀二兩四錢。中路遺失。同路

一金姓拾得。金為縣差。貧民苦求不還。金反以催

糧銀在身為名。將貧民毒毆。貧民合家生計無出。

往城隍廟哭訴神前。其夜金姓鄰人。聞金家有鎖

練聲。明晨金不啟門。開視則金已跪在牀下死矣。

銀猶在牀側。神明赫赫可畏。可容你欺心否。

廣東小吏丁宗臣。賦性刻薄。遇貧困則窘辱之。遇急

難則傾陷之。生平所爲。無一善狀。五子一聾一跛。一瞎一癱。一兩手反背。飲食需人。親戚朋友。見宗臣。皆以爲不祥。不與爲禮。晚年罷職。困悴。乞匄而死。眼前受報。最難遮掩。

湖廣盛某爲縣刑吏。素性險惡。人號黑心。欲造樓堂。圖張姓地。基密令大盜誣張。張死於獄。妻將地售盛。樓成得一子。六歲尙不能言。一日盛在樓中。其子匍匐而至。盛曰。吾爲子孫計。故設此謀。今爾如此。此愚蠢。奈何。其子忽厲聲作色曰。爾何苦如此。吾

公門果報錄

三

卽張某也。爾以無辜殺我。圖我之地。我來此。正圖報耳。盛大驚倒地。七孔流血而死。子費盡財產亦死。爲子孫計者。竟被子孫嚇死。奇極。

明張奉素習刀筆。尤工剝民之術。凡官長至。輒教之虐取民財。官有其三。已得其七。巡按唐公捕之。以計逃去。時四野無雲。忽爲暴雷震死。五臟如列。天怒。容似逃。

刑吏吳遇爲司理。朱若水所寵。每民間利弊。輒乘間言之。先以正論買木官之心。凡理有不直者。納賄於遇。遇故

作無心之言。以聳若水。能使直者曲。而曲者直。後朱罷任。遇更入爲臬掾。臬司王公察其弊。責懲下獄。鄉里受其害者。爭赴王公控告。吳憂憤成疾。一日病憤。自嚼其舌。及臨審時。已不能言。但唯唯承認而已。遂杖殺之。平日能言善辨。到此竟不得開口。可憐。

何應元爲蘇州府吏。生子名紳。方四歲。乳母自外家抱歸。夜過凌家山。忽見人馬燈火。自北而來。轉報曰。何爺過此。於是人馬燈火。避途而去。乳母歸。述其事。應元以其子必貴。年十七。忽雙瞽。應元恨甚。

公門果報錄

三

聞直塘道士能召神。因請禱。神附乩書曰。汝子本應科第。但汝作吏。受人賄。迭款單。陷人於獄。天絕爾嗣。此子將生有德之家矣。未幾紳死。

富陽獄吏凌華。有相者謂曰。汝貴相非常。當爲顯官。切不可作孽。然華秉性酷虐。常於獄中凌虐罪人。逼取財利。並不以相士之言爲意。數年來絕無改悔之心。一夕夢至官衙。主者命人鑿換其骨。醒尙痛楚。華是年四十歲。忽然手足酸麻。少頃週身寒戰。眷屬視之。面容頓改。華亦自知從前造惡多端。

今骨體已易悔無及矣。臥病兩月方愈。愈後見人。人皆不識其面。迨至年餘。華所舊識。皆目睹已。遍傳奇已。迺仍渾身寒戰而死。不信相者之言。任意荷能力改前非。雖未必能為顯官。或稍延年命。亦未可知。乃以悔無及矣。自解宜其仍與戰而死也。華亭獄吏陳某者。貪財勒索。嘗帶一便袋。每事即納其中。既死。其家人夢曰。我已在湖州歇山寺為犬。家人驚慘。至寺問之。犬聞家人至。急避僧榻下。意若羞愧。那有而見人。家人竟不得見而去。僧語犬曰。陳相公。你家人去矣。即搖尾而出。腹下垂一物。狀若

公門果報錄

三

便袋。上下有皮條。周巾繫腹。隱隱可辨。豈尚欲納。難得何。

夏資深好為人作狀。藏機設弄。牽連相結。雖已兩悔。而猶牽制之不得息。後窮子無依。怨家逐之。行乞他境。刀筆者若貪利。無厭。勢必至此。

順治九年。江甯人劉某為某衙門差役。與其兄同往江北拘人。拘到官審畢。將本犯問罪收禁。須十餘金可贖罪放歸。本犯與劉差云。吾尚有一女可賣。汝可為我一行。劉即過江與其妻商議。妻頗有色。

劉欲姦之。妻以夫之性命。賴其扶持。勉從之。此事。救。況得全。觀事子。隨賣女得二十金。盡付之。為贖罪使用之費。劉持金歸。與其兄瓜分。不與本犯交納。本犯之妻。以為銀交官。夫可計日歸也。候數日無音。耗託一族人來探。因為本犯備言其故。本犯一慟而死。旬日劉差寒熱交攻。自言某人在東嶽告我。即刻要審。伏席哀號。連稱該死。又云。以我慣說謊。要將鐵鈎鉤我舌頭。須臾舌頭伸出數寸。一嚼粉碎。血肉淋漓而死。現前惡報。諸人看看。

公門果報錄

三

原跋

曩見相國陳榕門先生在官法戒錄詞詳意盡眞足爲暮鼓晨鐘竊欲就其中之尤切於果報者節刊勸世而未遑也夫爲善不必福猶當爲善爲惡不必禍終不可爲惡況天地神祇昭布森列其果報有毫髮不爽者哉古來掾史之後登巍科受顯秩者正復不少而子孫之流爲不可問者爲尤多此無他胥吏與官民上下相接造福固易而作惡亦易特無人焉指其迷斯習於殘忍罔知顧忌耳癸亥冬余筮仕漣水

公門果報錄



跋

三

檢得公門修行錄一卷乃玉陽宋公守常州時刊本卽在官法戒錄中所節取者條列不繁勸懲已具洵善本也茲恐尙未廣行復刊訂多本分給庶人執一編耳濡目染知果報之非誣且願與同寅諸君徧爲流布以繼公善世之心爲公門修德之一助云淮安府安東縣知縣韓城師承祖跋

續錄 計九條

順治癸卯秋七月進士盧縵任蘇松常鎮督糧道參政會有屬邑解到餉銀二百四十餘兩縵偶臥病未及歸帑付該管漕糧掾張瑞昌暫存筭中隨奉遣往郡越三日歸啟縵視之已蕩然矣所在矣驚詢守宅人咸謂曾啟戶而入者張僕吳勤也獨臥於戶側者曹僕陳美也隨發捕員訊究之拷掠備至竟夕未得情次日又窮詰至再終不得張掾訴之於城隍又訴之於南莊五仙十七日五仙忽附

公門果報錄



續錄

三

凡突入署週迴環繞視之竟無言而出少頃同房掾曹璘者正冠伏枕忽厲聲疾呼曰喚張瑞昌來眾往視之乃五仙語也奇極昌至卽與語曰爾失銀乃曹璘之僕陸賢盜去璘實不知也賢於初十日丑時盜銀持歸欲以授伊父將銀百兩置諸大門靠棧適璘父出賢倉皇卻走時有菜傭吳茂敬涼戶外竊窺乘閒入學以歸詎意非所有甫至家母暴卒幼孩亦以痘殤而吳茂且患疫相繼以歿矣總以取不義之財故死亡相踵也其五十兩一

封又家人竊見分散已不可追。又九十兩現藏樓下牀底。可令曹璘押陸賢歸。速取之。陽世事陰司白一眾悶然欲將陸賢究詢又厲聲曰勿加刑小孩子吃飯且不知饑飽作此歹事自有報應我因此事難明來一剖判也可打轎去多拜上大參公言畢曹乃睡少間復作土語者云吾姓沈本縣人乃城隍西班頃南莊移會我主特奉差來查此銀已換桑皮紙包亟往取之不可遲今我弟兄們雖做城隍皂隸所好亦不過杯中而已。鬼皂索酒更奇怪

公門果報錄 續錄

三

曹遂甦茫然不知所以眾述以告曹心竊不平乃挑燈作搨亦欲訴之於神仍疑眾為有意相詆也次早起欲謁廟後方領賢歸取銀以白誣罔忽又伏枕呼曰吾乃城隍也為昨事往拜南莊道經此見曹璘方臥榻借他來說一明白。一客不煩二主都要借口說明這銀子是陸賢偷去無辭曹璘並不知也即吳勸陳美御是一段因果。欲知前世因今生受者是前三世陸賢是毛家了鬻而陳美乃廝役也毛家將銀十三兩三錢置之桌上下廝盜去害了鬻逼打至十九歲

了鬻身死因孽重一世變豬二世變狗吳勤不應將大棍擊之又將滾水泡之所以有此一椿孽報。原來是前世向冤孽陳美孽輕今所受不過吊打吳勤孽重倍受極刑即張瑞昌亦因前世欠伊銀一百二十兩今不應失去銀一百五十兩多了三十兩俱令其擔承若再追賠則冤冤相報無已時矣故令陳美吳勤與之說明從此各消怨恨可也又喚孫瑞陳天霖說你眾人前有稟單昨晚差皂隸沈卿來此查察見曹璘又寫一單說你兩人冤他曹璘速

公門果報錄 續錄

三

取單來果於箱中取出兩摺訴稱口述南莊之言並無冤他言語隨令判官取筆消此一椿公案又云曹璘你妻奉齋並兒女某某與他何干都寫在單上存銀九十兩陸賢藏之牀下上將瓦蓋昨晚使女取炭又竊去三兩止存八十七兩可速歸取之遲則又散矣。頃刻事神明已知天下更總是因果中人幽冥之中纖毫不爽陸賢自有報應今不必計較也至大參公乃忠直好官祇因憂鬱致有此恙亦虧他平素持齋從今亦漸霍然矣又囑付

眾掾在公門中正好行方便。做好人。凡人行不好的事。害了人。不必實有是事。只一起了念頭。便是作惡了。有孫掾因喪子。請神問天。死係何孽緣。後尙可得子否。神告之云。死的那裏是你兒子。乃是僧人轉劫耳。你前生爲娼妓。勾引此僧。奸宿耗其資財。故有此報。凡人有子無子。皆是前因。神將手自指心窩。畫云。若要求兒子。也不難。只是這點不壞便有了。原來只要如此。也不是難事。言畢而去。眾許酬謝。神云。我乃一縣之主。豈詹詹爲飲食之故。方是正神。說話無奈。

公門果報錄

續錄

无

近世師巫動輒以正神索祭。豈非誣妄之至。因見你等至誠。來此說一明白耳。我今回縣矣。曹乃醒。眾皆驚愕。璘次日卽歸。從牀下索之。果於瓦下得二封。先開視。俱是聖塊。曹益憤然。未至縣二十里。忽見有紅衣人。語云。但將去見盧老爺。自然明白。持至署。啟封視之。銀也。較兌果八十七兩。事載大參公四照堂集。彰彰可考。丙午九月。大參公於維揚舟次。曾面述之。且言五仙之入署也。余時因臥病。扁中門。五仙云。我與大參公品級平等。須開中門。豈可從角門進。遂

啟中門而入。至縣城隍神。則竟未啟中門。得無卽由角門而入耶。

嘉慶間。福建廖某曾充縣吏。遇邑有饑民。滋事案株累百人。某託爲失火。將全案燒燬。救人無算。某以失慎獲戾。其子鴻荃。由翰林官至尙書。鴻藻。鴻苞。皆爲道府。其餘兩子。亦登科第。

道光年間。常州府吏陸喜齡。存心忠厚。遇事爲人周旋。其子陸忠。登道光甲午科舉人。其時來任太守者。往往遇其同科。見封翁以年家子禮待之。封翁

公門果報錄

續錄

无

淡如也。忠現任鹽城縣教諭。又常州府吏費隆。大遇江陰饑民滋事案。亦託爲失火。獲全無算。其子莘。由副貢官至監司。孫開綬。由翰林官至方伯。吳興某大中丞之先世。有爲刑杖手者。雖賤役而居心忠厚。以濟人利物爲念。常謂同儕曰。公門裏面好修行。吾輩在公門中。不爲善。便如入寶山。空手回。以是凡遇鄉民之訟者。多爲之調解勸息。其貧而理直者。尤力護之。每夕輒以刑杖置便桶中。以

小便可以去淤生新。浸久雖杖至血肉狼籍不致糜爛。時有鄧太守者嚴酷。杖人不見血不止。用是全活甚眾。同儕化之亦多。戕其貪戾。翁有子失其名。幼即敏悟。好讀書。嘗自塾中歸。誤衝太守道。為前驅所執。太守見其幼。呵而釋之。歸即發憤。曰。安見吾他日不為太守耶。翁笑曰。兒癡矣。我為隸。爾能應試為太守耶。子雖不敢辯。然讀益勤。及長。文名藉甚。郡紳多愛重之。翁又素長者。平日極敬禮斯文。以故三學諸生。非但無與為難。且爭促翁令

公門果報錄 續錄

三

其子赴試。翁不得已而從之。一試後。即補弟子員。後由甲榜。仕至某官。數傳即大中丞。及其第。方伯翁累封至榮祿大夫。至今簪纓不絕。稱世族焉。本坐花誌

迪吉錄云。凡救性命。所損無幾。特飽煖者。不知饑寒之苦。句者緣。餓得病。病不能求乞。則愈餓愈病。此不過三四升米調護之。累日便有生意。或乘其菜色將病時早救。尤妙。在富人過宿之一費。足救十命矣。師巫一禱賽之費。足救百命矣。千金之子。飲

食衣服十省一焉。足救千命矣。若得數人共結一會。申明當事。置一空屋。積草薦其中。以留貧病者。使免風飡水宿之患。則調養易愈。而天札者少矣。蓋人當病時。調護失宜。吹風暴露。空乏憂危。豈有再生之理。試設身處此。痛苦何如。何惜損太倉一粒。不以惠此耶。且均是人耳。我輩若託生非地。便是這等樣子。幸得自足。又欲享豐席盛。為子孫長久計。而眼前濟人一錢不捨。不知水火盜賊疾病橫災。皆能令家業頓盡。小小福分。亦是天地庇之。

公門果報錄 續錄

三

豈一吝嗇能致然哉。一旦無常。祇供子孫酒色賭蕩之資。何如積德邀庇於天之為厚也。此理至明。直不思量到耳。此會所費無多。結亦不難。眼前功德宜急做。切勿錯過。

高忠憲云。古語云。世間第一好事。莫如救難憐貧。而濟人不在大費已財。但以方便存心。殘羹賸飯。亦可救饑。敝衣敗絮。亦可禦寒。酒筵省得一二品。餽贈省得一二器。少置衣服一二套。省去長物一二件。存些贏餘。以濟人急難。去無用。可成大用。積小惠。可成大德。此為善中一大功課。○羅惟德在甯

國時。一日向劉寅喜動顏色曰。今日一大快事。寅問何事。曰。近貧宗族有數十人。以饑荒遠來乞周庇。所有積蓄。施散幾盡。家大人以上。及諸眷屬。無一人阻撓者。爲是暢然耳。○興化韓樂吾家貧。遇荒年。典賣俱盡。止有米二升半。有友絕食兩日。告於韓。韓欲分半與之。妻曰。明日何以自給。韓曰。留之。不過遲死一日耳。他死在今日。我尙可遲一日。何忍坐視。竟分與之。夜夢神曰。爾忘已救人。上帝喜賜爾金一窰。在某處。明日往鋤。果得金一窰。遂

公門果報錄 續錄

三

成富室。○今人好圖利。暗算刻剝。勒索誘騙。雖明知喪其良心而不顧。而世有自然之利。又有不怨之利。偏無人要取。何哉。所謂自然者。多積陰功。諸福自至。這一種利。是收之於天。盡力農事。加倍收入。這一種利。是取之於地。教子積善。後嗣昌大。這一種利。是取之於人。此三利正大光明。而人偏不要取。反取那多怨多爭之利。真大愚也。

暗室燈云。武岡州有一周姓者。衣食稍足。族寡丁弱。居舒楊兩大族之中。是年歲荒冬寒。舒姓有乞兒

凍死郊外。距周宅半里餘。周夜臥不知。天明舒姓見之。乃約匪徒以人命圖詐。將報官。周懼。賄金五十兩求息。十六人共分之。而地方無賴未得分者。又率眾偕來恫嚇。要金幾百兩。周無奈。往請關帝聖像。供於郊外。泣拜之。眾懼而散。過數月。分銀諸人內一人忽發狂。自來周門跪拜曰。我只分得銀三兩。但願你明中去。暗中來云云。每日拜三次。數日而死。又一人繼之。拜祝一如前樣。連死七人。餘九人懼。願退還原銀。求周姓代爲懺悔。周不

公門果報錄 續錄

三

允。十六人盡死。鄉人無不驚恐。

天人相感。報應分明。而世人猶是將信將疑。朦朧過去。不肯著力爲善。著力去惡者。其病根大約有五種。一種是資質懦鈍。識見庸愚。將要爲善。畏首畏尾。將要改惡。欲捨不捨。退縮不前。終成棄物。當思爲聖爲賢。只是一念。頂天立地。只此一身。但計善惡。不計禍福。則豎起脊梁。病根頓去。一種是今日不爲。等待來日。此事不爲。等待他事。當面看見。轉背便忘。當思光陰有幾。人命無常。一生懺懺。萬事

蹉跎豈不可歎。則如坐針氈病根頓去。一種是未
做善事。先是誇張。既做善事。要人稱讚。只逐虛名。
毫無實意。當思積善之心。陰功最大。良賈若虛。盛
德若愚。市恩邀譽。識者見鄙。則死心塌地。病根頓
去。一種是偶濟一人。便求福報。偶救一物。便求善
應。舉念貪懷。遇事冀倖。當思善積於已。福降於天。
每以無心。方稱陰陽。有為而為。俱屬次等。則妄念
消除。病根頓去。一種是有感而興。有阻便廢。有時
而為。無端便輟。心謀不定。善行不堅。當思德以累

公門果報錄

續錄

善

積功以崇隆。一念奮發。一念棄委。終身何補。畢世
無成。則立著腳根。病根頓去。然此五種病根。只念
為善降祥。為惡降殃。八字。則心志自定。氣力自倍。
一切沈疴。霍然而去。

附佐治果報法戒錄

熊公勉齋曰。職業清貴。無如幕賓。名不列仕版。而與
游者。公卿大夫。身不膺民社。而所司者。兵刑錢穀。
其尊貴如是。責任又如是。使心術不正。行事苟且。
則上誤朝廷。中負東家。下累萬民。所繫豈淺鮮哉。
總錄善惡果報二十則於左。

明夏雲蒸。入山東濟甯刺史幕。刺史年五十無子。蒸
五十餘。僅一子。有血疾。每與刺史歎曰。我父子相
依為命。而子血疾。壽必不永。刺史曰。我尚無子目

公門果報錄

附錄

善

下妾有孕。醫曰。右手脈大。仍是女胎。奈何。未幾地
方旱荒。蒸勸刺史設法補救。焦心勞思。凡一切事
關賑濟。次第舉行。陋弊悉除。饑民俱沾實惠。救活
無算。越三月。刺史妾雙生二子。喜謂蒸曰。我明是
救荒報應。世言官與幕功過平分。先生報在何處。
蒸曰。吾子血證。久不犯。豈不是報。刺史曰。此猶未
緝。買一婢。送之甫一年。亦雙生二子。

徐太史立齋。己亥狀元。健庵。庚戌榜眼。彥和。癸丑探
花。同胞三及第。從古未有也。人稱世德之報。其五

世祖某公爲虞山巖文靖公記室。時三吳大水。公具疏草請賑濟。文靖猶豫欲筮之。公屬卜者。第曰吉。力請於朝。全活數百萬。

無錫孫中丞永清平叔官保之父也。爲諸生時入廣東布政使胡文伯幕中。值土司爭廢。相訐告。驗之皆明。時印璽總督將擬以私造符信比叛逆律。當斬。株連尤眾。公先具私稿。袖以見胡。曰。土酋意在承襲。無他志。豈宜妄從叛逆坐之。胡曰。是督撫意。且限迫。安能倉卒易稿。公乃出所具示之。胡讀

公門東報錄 附錄

美

竟大喜。陳於督撫從之。得活者二百餘人。及公巡撫廣西時。安南諸大酋莫黎鄭阮各姓相吞噬久矣。先是黎氏殘莫氏。而據其國。其臣鄭檢尋篡之。阮惠復誅鄭。並逐黎氏。乾隆閒。黎維祈叩闕求內附。時福文襄總督兩廣。將議討。公密陳曰。黎阮相吞噬。外夷之常。聞安南深懼天威。可以勸而服也。文襄然之。未幾阮果悔罪。自陳乞效職貢。公以舉人中書出掌封圻。常以未登甲科爲憾。今平叔官保由詞林登制府。受美謚。官保之子。又由進士出

身。則公之貽穀也大矣。

錢塘包榮。順治辛卯中式。撤闈日。主事見其年踰四十。長不滿三尺。宛然稚子。謂人曰。其貌不揚。何修至此。知者曰。此天報之也。大軍破紹興時。或誣紳衿三十餘家叛逆。密揭貝勒。貝勒封寄撫軍張存仁。揭偶墮地。榮爲記室。拾而火之。張問榮。榮曰。火之矣。張大驚。榮請自解。貝勒請死。自作解文。言童子包榮不識字。誤焚文書。請治罪。貝勒見其短小。以爲孩也。竟釋之。三十餘家得以不冤。其中式陰

公門東報錄 附錄

毛

德所致也。

范標浙人。老於幕。識卓而性執。凡事據理行。每賓主意見不合。輒辭去。年六旬。幕遊陝西清澗縣。有富宦打死佃戶。宦賂清澗令八百金。標二百。囑令和息完事。標諫曰。死者之冤不伸。問不過心。令意不決。標大聲曰。我主賓受千金。饒其罪。恐閻王不愛千金。饒我賓主罪也。令悚然曰。我心亦打不過去。卻其金。問宦抵償。標一日辭幕歸。夢神語曰。汝壽止六十有五。因卻金伸冤。增一紀。後果七十七。無

疾卒

武林劉某博學通曉吏事。其友官於閩。聘劉為幕賓。時有富室。因姦致死一良婦。密將五百金囑劉曰。果為未滅。當更有酬。劉卻之曰。明有王法。幽有鬼神。乃欲以此脫罪乎。亟白其友。論罪如律。劉在幕七年。虛公參酌。無一苟且情弊。友敬信之。其後家漸豐。子孫科甲蟬聯。至今稱盛。

姚升階。山陰人。幕遊十餘年。無刻不以息事為念。偶罪一人。行坐飲食為之不快。真仁人也。子墟。乾隆

公門果報錄 附錄

美

壬申舉人肅州州同。告養歸。時先生恭膺封典。與德配白首相莊。安養二十餘年。見長孫斌遊庠。年八十餘。無疾卒。

王某。盱江人也。為幕於長沙郡。郡多溺女。宰牛惡習。王力勸禁止之。一夕夢神示以聯曰。功及人畜。福報子孫。後果如此言。

蕭山韓其相。少工刀筆。久困場屋。且無子。絕意進取矣。雍正癸卯。在公安縣幕。忽夢神人語曰。汝因筆孽多。盡削祿嗣。今治獄仁恕。償汝科名及子。其速

歸。未以為信。次夜復夢。時已七月初旬。以試期不及對神曰。吾能送爾。韓起急理歸裝。江行風利。八月初二日。竟抵杭州。以遺才入闈中式。次年果舉一子。

蘇州陸某。少時隨師學刑名。見房科衙署。字紙拋散甚多。捐資辦字。箋數十。復於署內立字爐。時時焚化。灰送入江。後入闈。夢神告曰。汝有心惜字。准予科名。榜發果中。以上法錄

公門果報錄 附錄

美

橫。與詢最厚。每事與謀。詢明知其非。不敢忤。歎美而已。開於盛暑中。杖吏及囚繫者四十餘人。二人已死。詢猶盛稱其快。後詢夢金紫者。譏之曰。成楊開之惡者。汝也。應與同罪。數日。二人先後皆以惡疾暴死。

胡某。歙人。康熙間為秀水縣刑名。盛夏獨處樓中。一日薄暮。僕從開樓頭。慘號聲急。梯而上。見胡赤身仰臥。自刃其腹。封肌膚如刻畫。血被體。問之曰。向客湖南某縣。有婦與人私。夫被殺。婦首於官。吾恐

主人懼失察處分作訪拏詳報擬婦凌遲頃見金
甲神牽婦來刃吾腹他不知也號呼越夕而死
吳興某以善治錢穀有聲爲當事某公所慢會故人
子官浙中大僚某訐其侵盜陰事竟成大獄獄甫
定某忽自齧其舌潰爛而死

孫景溪言作令吳橋時所聘刑名友葉某者才士也
一夕方飲酒忽撲地氣幾絕歷二時而甦次日齋
沐閉戶書黃紙疏赴城隍廟拜燬回署後無恙越
六日又撲如前請遷外寓詢其故曰八年前吾館

公門果報錄

附錄

早

山東館陶有士人告惡少調其妻當核稿時欲專
懲惡少不必提婦對質友謝某謂此婦當有姿色
盍寓目焉吾以法合到官遂喚之已而婦投繯死
惡少亦坐法死今惡少控於冥府謂婦不死則渠
無死法而婦之死實由內幕之傳喚館陶城隍廟
關提質理昨具疏申剖謂婦被惡少所調法合到
官且喚婦之說起於謝某城隍神批准關覆是以
數日無恙頃又奉提謂婦被調之後夫已告官原
無意於死及官傳質審始忿激捐生而傳質之意

在窺其色非理其冤念雖起於謝某筆實主於葉
某謝已攝至葉不容寬吾必不免矣遂移寓於外
越夕死

蘇州某書記遊幕湖北稍有蓄資歸里改業買遷嘉
慶十八年夏將之京師暮抵山東境下車忽撲夜
半方甦急迴車至揚州一佛寺剃髮爲僧信至家
子來省視涕泣挽歸某泣曰勿多事若還俗無死
所矣因言是日道中見二皂衣在車前俄頃卽被
攝去至一處堂上有巍坐者見某到拍案怒曰汝

公門果報錄

附錄

望

在某縣敢妄殺人耶辯無之擲狀下則向所書某
縣擒獲教匪審明解營正法稟也某曰此誠某書
但係刑名所誤當時亦疑其冤始未肯書後因東
家逼迫發怒謂卽有罪過余當之且爾不書終有
人書也乃爲之書堂上顧左右拏某某來旋見捧
二黑影至案前類濃烟籠罩者鬼卒持扇烟約略
露面目則邑令與刑名友也堂上呵問之聲呦呦
然承伏如我所對仍令捧之去復顧左右曰渠雖
非起意但明知數十生靈無辜就戮戀館徇情不

以去就爭之亦難。恕宜何罪。左右曰。秋間付山東司可也。遂叱之出。正驚惶。聞見故友某。因述前事。求拯救。某曰。大難。惟速南返。投空門託身。或可免耳。吾今安敢歸耶。卒死於僧。

嘉慶初。川陝楚三省教匪滋事。收令多有以擒賊得功者。某縣令日冀升官。苦無機會。一日有報難民數十至城外者。令以為奇貨。刑名贊成之。某強為緝。令遷官後。與刑名相繼暴亡。

乾隆末。閩省虧空之案發於福州將軍魁倫。蓋鎮閩公門果報錄 附錄 望

日久。盡知其詳。而司章奏者。為福州林某。文筆頗雄。敷陳詳盡。奏入。立授魁為閩浙督使。窮治其事。成大獄。踰年。林赴部謁選。見太傅朱文正公。林本門下士。於其來。厲色待之。曰。魁某興大獄。聞皆汝德。憑之信乎。林力辯其無。且謂虧空於理應辦。不料清查之決裂至此耳。公曰。汝代人捉刀。固應未減。若魁某之好殺。斷無好結局也。無何。魁授四川總督。以教匪偷渡嘉陵江。失機伏法。林選四川彭縣。旋因事卒於邊外。

長沙吳志南。博古能文。尤工筆刀家貧。屢困場屋。遂就幕。人爭延之。家漸裕。雍正壬子。闈中文頗得意。將出號門。忽作失驚狀。取磁碗擲破。持犀利者刺喉。鮮血淋漓。撲地而死。人皆謂刀筆害人之報。貴州某孝廉。為學幕。暗通關節。得多金。赴都入闈。夢神責曰。爾司文受賂。死期將至。猶望名耶。踉蹌歸。客死於路。其資盡為僕有。

朱酉生。孝廉。在梁芷林中丞幕中。嘗言其友葉某。在某學使署閱卷。有一卷甚佳。葉失手。污墨幾半。公門果報錄 附錄 望

學使見之。不知為葉所污也。竟置四等。葉恐學使怒其粗率。亦不為剖辨。後傳聞考四等者。自縊死。密訪之。則其家甚貧。授徒餬口。自考四等。其徒盡散。不能自存。乃怨憤而成短計也。葉自是甚咎悔。後凡鄉試兩次。皆有所見。以污卷黜。遂不敢復應舉。每語人曰。此余無心結冤。而銜恨。尚如此。當日何難一言自認。為此生解免哉。以上 戒錄

杖瘡方

麝香 冰片 乳香 沒藥 大黃各五錢 血竭

樟腦 共為末聽用

治杖傷 血竭一錢 硃丹輕二錢 白占三錢 共為末糝上一

日夜其肉四圍生起兩日即平

刑曹案牘多被毆後以傷風死者在保辜限內於律

不能不擬抵呂太常含暉常刊一祕方 荆芥

黃蠟 魚鱉魚鱉炒黃 艾葉三片 無灰酒一碗 重湯

煮一炷香熱飲之汗出立愈惟百日內不得食雞

公門果報錄

杖瘡方

器

肉後生子慕堂登進士人以爲刊方之報云

再發... 蘇合香丸

蘇合香丸

聖

蘇一... 蘇合香丸

黃... 蘇合香丸

不... 蘇合香丸

蘇... 蘇合香丸

日... 蘇合香丸

蘇... 蘇合香丸

蘇... 蘇合香丸

蘇... 蘇合香丸

蘇... 蘇合香丸